

莆陽居士蔡公文集

三

莆陽居士蔡公文集卷第五

律詩

題僧希元禪隱堂

經錢塘故宮

經林逋舊居二首

離錢塘

至睦州

題杉溪驛二首

宿延平津

呈沈子山

端明集五

一

題福州釋迦院幽幽亭有序

題漁溪驛

晚上碧峰亭

春潮

病中偶書二首

和王介夫遊西禪兼呈黃承制

興化軍曹殿丞荔支

和曹殿丞寄荔支

飲薛老亭晚歸

和許寺丞泊釣龍臺見寄



十一月後庭梅花盛開二首

發篋篋得亡友書札

寄答汝州王仲儀待制

正月十八日甘棠院

福州寧越門外石橋看西山晚照

夢遊洛中十首

有序

題何山人大隱閣

正月巡歷部郡侍親還家

方山渡口占

江村

端明集五

二

三月再還家

宿海邊寺

建溪桃花

吳屯驛曉起

王臺驛見晚李花有感

晝寢宴坐軒憶與蘇才翁會別

漳州白蓮僧宗要見遺紙扇每扇各書一

首

懷文雅儼上人

寄題處州朱山人幽居

耕園驛有序

題白蓮院東軒有序

題僧希元禪隱堂院在蘇州城中

遊錫遍他方歸休靜默堂孤吟時有得諸念若為
忘刪竹減庭翠煮茶生野香雲山莫騰誚心地本
清涼

經錢塘故宮

廢苑蕪城裏故宮行人苑外問秋風當時歌舞何
年盡此意古今無處窮往事蕭條隨敗葉客情迢
遞寄孤鴻扁舟欲去更回首寒樹蒼蒼夕照東

端明集五

三

經林逋舊居二首

脩竹無多宅一區先生曾此隱西湖詩言不喜書

封禪亦有餘書補世無逋詩云茂陵異日求遺草猶喜曾無封禪書

山色凝嵐水色清山雲長與水雲平先生來舉持
竿手釣得人間亢俗名

離錢塘

迎潮小舸滿旗風迴首津亭暮靄中惆悵今宵歸
去夢迢迢直至海門東

至睦州

一帶滄波兩面山扁舟中去幾時還浮生多半在

離別此意明知未肯閒

題杉溪驛二首

宵行避酷暑山路乍縈迴明月正相向涼風時一
來幽林潛物怪祕洞蓄雲雷豈敢憚勞苦畏途誠
可猜

隘道臨深壑俯闡千仞強驚禽忽獨去怪石偶成
行月下芙蓉色風前穉穉香反慙羣動息幽意更
徬徨

宿延平津

鳴籟蕭森萬木聲濃嵐嵐環合亂峰青樓臺直聳處雙

端明集五

四

溪會雷電交時一劍靈曉市人煙披霽旭夜潭漁
火鬪寒星畫屏曾指孤舟看今日孤舟在畫屏

呈沈子山

邈字子山時知福州

荷葉新詞天下工玉人垂手倚秋風一聲清唱穿
雲去斜日烘簾曲未終

六月閩溪荔子丹新秋猶喜薦雕盤自嗟千里歸
程遠不得繁枝雨後看

題福州釋迦院幽幽亭

有序

東陽沈子山前此十年爲候官縣政休乘間頗
自娛於登臨之適得院之東北隅地方數丈誅

草茅而列樹石時游哦於其所因命曰峻青臺
今復爲郡太守其僧曰吾使君儻一來執事者
可暴露乎並臺作亭以除風雨子山至其下又
名之曰幽幽亭邀予題牒以揭之遂作詩以賦
山川之美而序以紀其始焉

路盡得佳賞川原何淨明周圍地形壯灑落世塵
清背郭千峰起涵空一水橫風帆人共遠潮嶼歲
重耕曉市炊煙合孤菴汲道縈俯窺崑鳥過微認
野雲生香氣林端出秋容物外呈表閒幡弄影覺
靜磬傳聲官舍今稀訟轡車此駐行唱篇知寡和

端明集五

五

君世負詩名

題漁溪驛

昔年同向臘中迴曾遶欄干折早梅今日獨來攀
舊樹風翻黃葉下蒼苔

晚上碧峯亭

城頭近晚忽開晴有色皆鮮是物清地勢四來州
午向山圍一罅水東行乘風歌吹無時已面日樓
臺觸處明不比兒曹誇衣錦自緣恩與養親榮

春潮

納納春潮草際生商船鳴櫓趁潮行封書欲寄天

涯意海水風濤不計程

病中偶書二首

已感節候變物態舒陽春那復壯年意如今多病
身淨室焚香久烘爐煮藥頻神歡百慮解銷盡眼
前塵

行年三十六幾是半生人舉止不入俗清修難厭
貧宴坐爐煙煖微醺甕耐醇前看簫管輩未免作
埃塵

和王介夫遊西禪兼呈黃承制

山城只有四圍青海國都無一點塵荔子風標全
占夏荷花顏色未饒春水邊清吹傳觴久路上殘
陽立馬頻不是閒來誇景物欲將謠俗寄王人

興化軍曹殿丞荔支

厚葉纖枝新絳囊使君分寄驛人忙彩毫封處曾
留意筠籠開時不減香風色甚豪應少損路程差
近得分嘗閩州縱有千千樹未抵家園氣味長

和曹殿丞寄荔支

荔子凝丹摘曉鮮江南來路與雲連託根曾是三
山下結實應歸萬木先鄉國遠携甘旨重宴堂分
翫色香全清才仍更傳新唱一一驪珠照眼圓

飲薛老亭晚歸

終日行山不出城城中山勢與雲平萬家市井魚
鹽合千里川原彩畫明坐上潮風醒酒力晚來巖
霧蓋鐘聲歸時休更燃官燭在處紗燈夾道迎

和許寺丞泊釣龍臺見寄

釣龍臺下艤行橈獵獵船旗待晚潮萬里征人應
悵望一川秋色正蕭條雨雲來去山明滅風浪高
低日動搖有志四方男子事莫懷鄉國便魂銷

十一月後庭梅花盛開

迎臘梅花無數開旋看飛片點青苔幽香粉艷誰

人見時有山禽入樹來

日暖香繁已盛開開時曾遶百千迴春風豈是多
情思相伴花前去又來

發篋得亡友書札

宿昔重交義零落今誰存舊情留紙札永恨入丘
墳世味薄於水生涯空似雲撫孤無力及流淚復
何言

寄答汝州王仲儀待制

汝水閩山道路長行郵時復寄新章諫垣笑別三
年近病枕魂飛萬里強烈火未應焚玉石埋輪曾

是問豺狼主恩未報頭生白羞見龍泉百鍊鋼

正月十八日甘棠院

上元纔過去尋春紅白山花粲粲新似喜使君初
病起隔欄相向笑迎人

天氣和柔酒更醇緩歌花底正青春狂花有意憐
醉客撩亂飛紅滿一身

無奈閒情着物歡更愁花草便闌珊天紅嫩翠宜
燈燭放散笙歌靜裏看

福州寧越門外石橋看西山晚照

寧越門前路歸鞍駐石梁西山氣色好晚日正相

端明集五

八

當

夢遊洛中十首 有序

九月朔予病在告晝夢遊洛中見嵩陽居士留

詩屋壁及寤猶記兩句因成一篇思念中來續

為十首寄呈太平楊叔武

天際烏雲含雨重樓前紅日照山明 夢中兩句 嵩陽居

士今安否青眼看人萬里情 司門負外郎王益恭年四十餘致政居洛

中自號嵩陽居士

脩竹蕭蕭曲檻前清泉灑灑小池邊琴中一弄履

霜操人靜當庭月正圓 予為留守推官新作綠竹堂王勝之劉伯壽多會宿

過雨池塘涼氣早落花門戶亂紅多松亭石上題

名處誰剥莓苔看在歷王相宅號史館園嘗與府僚遊宴題名石上

廟下春行香霧合觀中朝茹藥牙尖故人別後無

消息荒草生墳白露露沾嘗與尹子漸遊嶽廟寺觀今子漸亡矣

霜後丹楓照曲堤酒闌明月下前溪石樓夜半雲

中笑驚起沙禽過水西從尹師魯宿香山石樓

韓王宅裏酒千壚范帥園中花萬株行樂主人今

已矣春風還似舊時無趙韓王宅有藏酒百千器范太尉宅花最多

名花百種結春芳天與穠華更與香每憶月陂隄

端明集五

九

下路便開圖畫覓姚黃月陂張家牡丹百多餘種姚家黃為第一

草白霜晴鶻眼開原頭遊騎四邊來枯叢鷓鴣休

驚噪日暮分持走兔迴曾權洛陽縣屢陪諸君出獵

履道園池竹萬竿竹間池際笋斑斕當時酒所誇

文戰今日誰登上將壇普明寺乃白樂天履道第水竹最佳數為文字飲

白馬寺前冠蓋盛送行賓友盡英豪耿丞血染邊

場草留得聲名日月高罷官時交遊送餞白馬寺耿大監丞今死西事

題何山人大隱閣

萬井連交道中天敞靜軒由來隱鄜市全勝賁丘

園目極無留賞心閒不避喧沼光搖屋動花艷出

欄繁雨霽山容靜潮生海氣昏幽人披彩檻永日
對芳樽素業名家久通醫曾與義存丹圖環八卦仙
訣遁三元造化今爲友懽憂本聚門應須超世累
宴坐此忘言

正月巡歷部郡侍親還家

養親方解郡奉使又還家遠岫鄉關近前旌父老
遮揮金貧自愧舞綵喜仍誇特地延賓友相期詠
白華

方山渡口占

江上行人空自愁壯年雙鬢已驚秋不知風裏千

端明集五

一

重浪何事無情也白頭

江村

黯澹江村春日斜汀洲芳草野田花孤舟橫笛向
何處竹外炊煙一兩家

三月再還家

曉樹鄉關路春衣使者輶江眠聞落霰野飯掇新
苗入里威稜減寧親喜氣饒勤勤父師教民病若
爲消

宿海邊寺

潮頭欲上風先至海面初明日近來怪得寺南多

語笑蟹船爭送早魚迴

建溪桃花

何物山桃不自羞欲乘風力占溪流仙源明有重
來路莫下橫枝礙客舟

吳屯驛曉起

殘月依山明朧朧長煙浮水白糝胡竹林繞舍啼
鴉白石井當窓下轆轤迎吏遠傳空狀小僕奴潛
報一錢無騶兵不啻晨炊絕呵叫蓀籠意氣麤

王臺驛見晚李花有感

玉京仙子愛春芳弄遍瓊枝嗅盡香祇有此花知

端明集五

十一

舊意又隨風色過東墻

晝寢宴坐軒憶與蘇才翁會別

投涼下馬卧僧家遶簾清風卷絳紗脩竹滿前微

雨過遠山無際薄雲遮武侯舊隱人應到

京西提點刑獄

解字在鄧州

閩粵孤城日自斜解與塵心消百事更開

新焙煮靈芽

漳州白蓮僧宗要見遺紙扇每扇各

書一首

山僧遺我白紙扇入手輕快清風多物無大小貴
適用何必吳綾與蜀羅

野老尋山翦白雲欲將清吹助南薰不堪便面張
京兆恰稱能書王右軍

徑尺規圓比雪霜昔人何事恨秋涼珍藏篋笥未
爲失更有明年夏日長

武侯白羽麾三軍帳前甲馬生風雲憐君才地亦
踈薄相過書林至夜分

薄似蒲葵質更圓忽疑明月落尊前南堂暑氣壓
煩濁一座清涼直幾錢

滉白新牋卷線稜刮青纖竹纏紅藤可憐子夜書
帷下一片圓光得未曾

堂陰壁罅蚊蚋都指麾西向先驅除山翁一夜穩
眠睡若或論功誰勝渠

老去將携只要輕况臨炎暑遶風清兒童愛把承
簷溜未識山家質素情

不掩歌脣向畫堂不須名筆作花房直應攜去林
泉好轉覺林泉興味長

虛堂永晝來風長石枕竹簟寒生光文園肺渴厭
煩熱更要夫君在側傍

懷文雅儼上人

填填車馬走沙塵中有伊人離俗氛千里不逢京

下信五年虛斷海邊魂何窮世事秋林葉自在心
靈晚岫雲聞道西堂今粹隱暮鐘朝磬欲何云

寄題處州朱山人幽居

之子適所遇愛此山林居禪心庭下樹仙訣枕中
書溪明暑醉後洞暗春遊初逢疴藥錄補得意琴
聲徐人生隨樂住世事與閒踈勿用挂雲網孤鴻
翔太虛

耕園驛有序

明道中予爲漳州軍事判官晚秋嘗至州西耕
園驛驛庭有佛桑樹十株開花繁盛念其寒月

窮山方自媚好乃作耕園驛佛桑花詩一首旣
而乘桴東下又作溪行一首慶曆七年予使本
路明年夏四月自汀來漳復至是驛花尚仍故
追感昔遊因紀前事并載舊篇龕於西壁
使輶迢遞到天涯候館遷延感歲華白髮却攀臨
砌樹青條猶放過墻花悲來唯見金城柳醉後曾
乘海客槎欲問昔遊無處所晚煙生水日沉沙

題白蓮院東軒有序

漳州白蓮院予爲郡從事時多所醺遊今十有
五年因使復來當時遊者零落殆半愴然成詠

寄題東軒兼簡宗要上人

昔年文酒自爲情
身外鴻毛萬事輕
暑醉每憐風引夢
夜歸多見月隨行
重尋蘭若餘芳在
却怪桑門老態生
點數朋遊今有幾
拂塵看字淚先橫

莆陽居士蔡公文集卷第五

莆陽居士蔡公文集卷第六

律詩

後舍緋桃

題龍紀院僧室

宿黃蘗聽彬長老譚禪

南劍州芋陽舖見臘月桃花

士安飲我數杯至觀音院纔醒聞灘聲泉

響因留短闕

別邵武長史朱照鄰

自漁梁驛至衢州大雪有懷

端明集六

華嚴院西軒見芍藥兩枝追想吉祥賞花

慨然有感寄呈才翁三首

崇德夜泊寄福建提刑章屯田思錢塘春

月竝遊

嘉禾郡偶書

讀宿州天慶觀門扉仙篆有感

送張處士二首

溫成皇后挽詞二首

司徒侍中宋宣獻公挽詞五首

哭賈少卿

別顏慥下第

和杜相公謝寄茶

謝杜相公

有序

銓舍後軒

閣下晝眠

戲答王仲儀

哭石曼卿

銅雀妓

城西射弓挺之以病不至簡示新詩有唯
應欠我渭城歌之句謹吟一篇以答佳

端明集六

二

意

汾陽夫人挽詞二首

泰靈園書事二首

讀太平告身

因書答河東轉運楊樂道

楚州聞晚角有懷

過真慧素上人院見紅薇盛開因思西閣
後軒數株遂成短章寄翰林原叔八丈

禹玉閣長兼書真慧壁間以記所遇

杭州訪吉祥璘上人追感蘇才翁同賞

牡丹

寶月法喜堂

過泗州嶺

丙申元日過浦城西陽嶺

宿漁梁驛

過南劍州芋陽舖見桃花

見勻親抄書涕悼卷末

寓居興化轉運解舍

丙申五月遊興化西門上溪

謝宋評事

有序

端明集六

三

謝阮評事

和詩送茶寄孫之翰

泉州安靜堂

泉州北藏院見初荷華

詔貢士

福州堂下小欄花卉多是手栽今已繁盛

因賞花有所感悼

登四徹亭

登清風樓

榴花洞

寄南海李龍圖

克

求素馨含笑花

寄題張景山大卿園池

後舍緋桃

十年樹底折香葩
蔌蔌浮光弄曉霞
只恨無情是
風雨直將紅片入西家

題龍紀院僧室

山僧九五行是百年人
焚香猶夜起喜酒見天
眞生平持戒定老大有精神
須知不變者那減故
時新

宿黃蘗聽彬長老譚禪

端明集六

四

一圓靈寂本清真
誰向蒼浪更問津
欲說西來無
見處奈何言句亦前塵

南劍州芋陽舖見臘月桃花

可笑夭桃耐雪風
山家墻外見踈紅
爲君持酒一
相向生意雖殊寂寞同

士安飲我數杯至
觀音院纔醒聞灘聲
泉響因留短闕

林外灘聲砌下泉
泠泠幽響靜中傳
朝衫却染京
塵去爭得夫君醒醉眠

別邵武長史朱照鄰

竊比君侯病馱馱時看雲路忽長嘶十年還此同
杯酒三驛剛來踏雨泥土行滿鄉元自好官名當
世不勝低未霑釜粟榮新祿應上亨衢別有梯

送相

三日

自漁梁驛至衢州大雪有懷

大雪迷空野征人尚遠行乾坤初一色晝夜忽通
明有物皆遷白無塵頓覺清只看流水在却喜亂
山平逐絮飄飄起投花點點輕玉樓天上出銀闕
海中生舞極搖溶態聞餘浙瀝聲客爐何暇煖官
酤未能醒薄吹消春凍新暘破曉晴更登分界嶺

端明集六

五

南望不勝情

華嚴院西軒見芍藥兩枝追想吉祥賞

花慨然有感寄呈才翁

辛卯四月

吉祥亭下萬千枝看盡將開欲落時却是雙紅有
深意故留春色綴人思

烘簾微照自生光吹面輕風與送香誰把金刀收
絕艷醉紅深淺上釵梁

的的名花對酒樽欄邊沉醉月黃昏今朝關外尋
蘭若忽見孤芳欲斷魂

崇德夜泊寄福建提刑章屯田思錢塘

春月竝遊

夙昔神都別于今浙水遭故情彌切到佳月事追
邀太守才賢重清明土俗豪犀珠來戍削鉦鼓去
啾嘈湖樹涵天濶船旗冒日高醉中春渺渺愁外
夕陶陶新曲尋聲倚名花逐種褒吟亭披越岫夢
枕覺胥濤論議刀矛快心懷鐵石牢淹留趨海角
分散念霜毛鱸膾紅隨筋予之吳江瀧波淥滿篙君往嚴瀧
試思南北路燈暗雨蕭蕭

嘉禾郡偶書

盡道瑤池瓊樹新仙源尋到不逢人陳王也作驚
鴻賦未必當時見洛神

端明集六

六

讀宿州天慶觀門扉仙篆有感

玉骨霞衣帝所遊案前香氣與星浮無端醉語落
塵土一過人間四十秋

送張處士二首

垂垂秋雨沒韉泥經畫門前無馬嘶乘靜因題送
行什江南歸思已淒迷
梁園塵土着人腥不似淮山照眼明愛君心迹曾
無繫一片孤雲去就輕

溫成皇后挽詞二首

紫極騰軒曜青春委薜顏雲輶何處去金殿幾時
還仗下編簫咽陵中夜燭間六宮哀送返疑是夢
魂間
翟綵開新禮金文易大名真遊上仙路故物感皇
情月落辭丹禁春前引素旌宮闈鳴挽鐸不是珮
環聲

司徒侍中宋宣獻公挽詞五首

重器推隆棟馳光逐逝川人應騎尾宿歲亦在辰
年文思精天下忠謀盡帝前唯無豐室累清白是
家傳

申命增華袞遺忠動紫宸世風存令子暮哭有慈
親復辟前言在論兵密疏陳如何年不永無路問
蒼蒼

懷道初名世乘時遂致君平分百年筭中据兩台
文行翊連寒樹凝笳上晚雲路人那得識揮涕指
幽墳

洛宅初開府非才辱顧隆遺思謠俗在餘論宴堂
空已矣蒼生望嗟乎吾道窮豈惟懷舊德一慟向
春風

去歲洛城東公歸秉樞務今日國門西轎車行哭

度同此晚春節依舊西山路千古訣幽明一年纔
日暮遠恨寄山川餘哀慘雲霧平昔送公詩何言
歌薤露

哭賈少卿

庚辰年自潭州謫所遷
少卿知廣州未行卒

畫旗南度謫長沙粵海新思路更賒子日鵬來知
主去辰年龍會爲賢嗟猶多婚嫁先捐館無復田
園可寄家曾是德公推獎厚一觴何處酹魂車

別顏慥下第

四上不登第漂流二十年依依去國恨杯酒春風
前

端明集六

八

和杜相公謝寄茶

破春龍焙走新茶盡是西溪近社芽纔拆緘封思
退傳爲留甘旨減藏家鮮明香色凝雲液清徹神
情敵露華却笑虛名陸鴻漸曾無賢相作詩誇

謝杜相公

有序

伏覩宮傳相公精詞健筆輒然成詠敢觸冒戰
鋒但伸懃懃之至

謝政閑宮傳當年老相君詩情通造化筆力作風
雲是則經綸手施於淡泊文捧窺心感悸無路候
公門

銓舍後軒

秋欄疎索水荭花坐見花邊日向斜
莫問幽人超世訣即心無累是仙家

閣下晝眠

急雨初收宮殿明紅薇花落暑風清
忽傳午正驚殘夢寂寂西軒喜鵲聲

戲答王仲儀

零落黃花動節辰送行杯酒感風塵
誰知最恨張京兆畫徧修眉不示人

哭石曼卿

仕宦晚益困忽驚朝露晞嗟嗟命不偶
事事志多違直節未嘗屈英魂何所依
有材真國器無悶即天機前日猶言笑
今亡果是非城南春滿路空見素旌歸

銅雀妓

十五燒香總帳前幾多幽怨入危絃
誰知千載臺傾後何處西陵有墓田

城西射弓挺之以病不至簡示新詩有唯
應欠我渭城歌之句謹吟一篇以答佳意

雪後西郊物外清官閑乘興此閑行
出門疎樹無

塵色入內流渠帶野聲近臘酒醪香更釀得風弓
箭力還生知君病起心猶壯獨
船窓唱渭城

汾陽夫人挽詞二首

其夫李留後
端懿國甥

福偶天家出賢名戚里推朱顏不待老萬事却成
悲宿露霑新隴秋風過舊帷誰歌均一德傳繼召
南詩

借有百年在都如一夢迴幻生還復滅仙去不重
來樂色閑宵院衣香祕夜臺行人知令淑哭送侍
兒哀

泰靈園書事

端明集六

十

檻外珍叢叨下泉祥符天子泰靈仙忽逢野老臨
池水自剪殘花趁歲錢

上元天仗款琳房靈圃遙傳玉殿香要識年年桃
李色不關春力是恩光

讀太平告身

綾紋金彩射星霞潤墨新騰玉署麻不用著心驚
寵辱去來元是坦空華

因書答河東轉運楊樂道

前歲君提嶺外兵國門南路送君行由來成事多
天幸直向危時見世情勉力朝廷論大計甘心江

海就私榮

予請罷開封府出知泉州

牢愁應解侵人骨未老先

教白髮生

楚州聞晚角有懷

欽天門外驚場開

郊宮有欽天門

盡角千枝壘鼓催今日

淮邊孤壘畔晚風時送數聲來

過真慧素上人院見紅薇盛開因思

西閣後軒數株遂成短章寄翰林原

叔八丈禹玉閣長兼書真慧壁間以

記所遇

八月吳天覺早涼翠叢初拆碎朱房繁枝欲卧不

端明集六

十二

勝力落片將飛猶自香西閣二年臨晝夢金刀一

夕掩春芳

嘗令花工以絲為之殊逼真也

欄邊想像頻回首漸覺

星垣迴漢傍

杭州訪吉祥璘上人追感蘇才翁同

賞牡丹

曾乘春飲遶花畦花底餘香入燕泥剪處佳人傳

燭下歸時明月到雲西重來草樹驚馬秋色零落交

朋感舊題若使他年逢勝賞一觴知復共誰携

寶月法喜堂

少悟浮圖法因傳法喜名於人無厚薄知己盡豪

英藥舍朝爐暖碁窓夜燭明性懷元自得未用厭
逢迎

過泗州嶺

衢州道中是年冬十二月
室家永嘉郡君葛氏亡逝

二十五年間三迴共往還那知臨白首相失向青
山想像音容在侵尋鬢髮斑平生多善行應不下
塵寰

丙申元日過浦城西陽嶺

曾侍天王玉几傍

累年侍
執壽觴

捲簾袍色殿中央重霄

未徹宮縣樂上宰初持萬壽觴曉日半臨幡影轉
春風偏送佩聲長今朝千里穿雲嶺喜奉親輿返

故鄉

宿漁梁驛

庭樹疎疎河漢低瓦溝霜白月平西寒鴉不奈單
棲苦落泊驚鳥飛到曉啼

過南劍州芋陽舖見桃花

七年相別復相逢牆外千枝依舊紅只有蒼顏日
憔悴奈緣多感泣春風

見勻親抄書涕悼卷末

得汝抄書心自喜古來清白紹家難誰知向老秋
燈下一見親蹤不忍看

寓居興化轉運廨舍

病惱連春夏居閑意味長
海風生永晝山雨送微涼
書帙梅蒸潤衣巾荔實香
塵緣消遣盡物我兩相忘

丙申五月遊興化西門上溪

尋溪因過上溪遊
雨後溪渾水亂流
因傍堤松却飛蓋
爲聞山鳥輟鳴騶
平田穉稭青雲合
滿谷芭蕉碧玉抽
開濟無功須早去
故時瓜隴有通侯

謝宋評事有序

伏蒙評事宋丈分貺家園丹荔
世傳此樹已三

百年黃巢兵過欲伐之時
王氏主其樹其媪擁樹願
并戮巢兵爲之不伐
今雖老矣實益滋繁
味益甘滑眞佳樹也
因成短章用酬厚意

齋館從容接燕申
每臨佳樹走觥巡
兵鋒却後知神物年壽高
來况主人竝賞昔聞思
故友公嘗言陳太監

方諫議及大卿竝曾會賞

分甘今喜奉慈親
豈唯持祝公難老

兼欲靈株比大椿

謝阮評事

伏蒙評事阮丈手授祕文
輒以蕪音用投眞賞
手授新書荷至情
何時仙訣得眞精
高年轉覺面

顏少細字全由眼力明藥錄謾勞分上下丹爐終
費候虧盈爭如一語醒然悟獨葆天光不外營

和詩送茶寄孫之翰

北苑靈芽天下精要須寒過入春生故人偏愛雲
腴白佳句遙傳玉律清衰病萬緣皆絕慮甘香一
味未忘情封題原是山家寶盡日虛堂試品程

泉州安靜堂

庭松永晝轉春禽天氣初晴又半陰惆悵此生多
病惱正堪行樂獨傷心

泉州北藏院見初荷華

初華纔過小荷身曉露霑紅點點勻莫爲愁心偏
倚望清江元有未歸人

詔貢士

星騎翩翩鶴詔來旋聞歡語沸春雷天閑未減眞
龍種滄海還空老蚌胎拂紙半毫含意勁摩雲雙
翅待風開寄言商頴辟榮客好致吾君放首迴

福州堂下小欄花卉多是手栽今已繁
盛因賞花有所感悼

愛花盡日傍花臺點檢當年手自我前事已隨
朝暮變舊華空見淺深開山禽忽下還飛去溪雨纔

收又復來只有春醪能遣恨無人欄畔共持杯

登四徹亭

偶爾尋幽上翠微遊人啼鳥似前期花間行印露
霑紙山下放衙雲滿旗艷艷舞衣朝日處飄飄商
櫓落潮時傳杯且與乘春醉身世悠然兩自遺

登清風樓

郭外清溪溪外山溪雲飛上破山顏晴明天氣疏
璃色何處峰頭帶雨還

榴花洞

洞裏花開無定期落紅曾見逐泉飛仙人應向青

山口管却春風不與歸

寄南海李龍圖允求素馨含笑花

二草曾觀嶺外圖開時嘗與暑風俱使君已自憐
清分分得新條過海無

寄題張景山大卿園池

人仰公才世吏師更甘歸老舊林池門闌清似當
官處心力強於少壯時物理自冥非寄酒兵謀猶
在却因棋濠邊風月如招隱願拂塵裾從所之

莆陽居士蔡公文集卷第六



